



ZAPISNIK O RADU 48. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 31.10.2023. GODINE

Broj: 01-GV-02-1624/23
Sarajevo, 31.10.2023. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Vedad Deljković, predsjedavajući Kluba gradskih vijećnika „Deljković-Simonović-Čengić“
5. Adi Škaljić, predsjedavajući Kluba gradskih vijećnika Naše stranke
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Enisa Spahić, zamjenica predsjedavajuće Kluba gradskih vijećnica „Enisa Spahić-Amra Zulfikarpašić“
8. Drago Jurić, zamjenik predsjedavajućeg Kluba gradskih vijećnika „USD-BOSS“
9. Elvedin Korora, zamjenik predsjedavajućeg Kluba gradskih vijećnika „Korora/Skorupan“
10. Seid Škaljić, predsjedavajući Kluba gradskih vijećnika „Seid Škaljić- Željko Majstorović“
11. Samir Bejić, predsjedavajući Kluba gradskih vijećnika „Danijela Šahat - Samir Bejić“
12. Mila Eminović, sekretar Gradskog vijeća

Odsutan: Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srđić“

Sjednici je prisustvovala, po ovlaštenju Gradonačelnice, Aida Bajramović, sekretarka organa uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 14.10 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **većinom glasova, izjasnivši se sa osam glasova „za“ i tri „suzdržana“** glasa **je usvojio** Zapisnik o radu 47. sjednice Kolegija Gradskog vijeća, održane dana 16.10.2023. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** dnevni red 48. sjednice Kolegija Gradskog vijeća, tako da glasi:

1. Priprema za održavanje 33. sjednice Gradskog vijeća Grada Sarajeva
2. Tekuća pitanja



Ad1)

Priprema za održavanje 33. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** sljedeći zaključak:

- 33. sjednica Gradskog vijeća će se održati u **srijedu 29.11.2023. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem najkasnije u **utorak 07.11.2023. godine do 12.00 sati**;
- Nacrt Budžeta Grada Sarajeva i Nacrt Odluke o izvršavanju Budžeta Grada Sarajeva, Gradonačelnica će, kao ovlašteni predlagač, dostaviti u **četvrtak 09.11.2023. godine**;
- Sjednice radnih tijela, u pripremi 33. sjednice Gradskog vijeća, će se održati počevši od **ponedjeljka 13.11.2023. godine do petka 17.11.2023. godine**;
- Pozivi gradskim vijećnicima za 33. sjednicu Gradskog vijeća će se uputiti u **srijedu 22.11.2023. godine**.

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Izvještaj o izvršavanju Budžeta Grada Sarajeva za I, II i III kvartal 2023. godine, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 33. sjednice Gradskog vijeća.

Informacija o realizaciji protokola o poslovno-tehničkoj saradnji između Grada Sarajeva i Turističke zajednice Kantona Sarajevo, prema informaciji Gradonačelnice, **nije spremna** i neće biti uvrštena u prijedlog dnevnog reda 33. sjednice Gradskog vijeća.

Prijedlog Programa saradnje sa dijasporom za 2024. godinu (skraćeni postupak), čiji je predlagač Komisija za međunarodnu suradnju, a obrađivač Gradonačelnica, prema informaciji Gradonačelnice, **je spreman** i ukoliko Komisija za međunarodnu suradnju utvrdi Prijedlog Progama, očekuje se da će isti biti uvršten u prijedlog dnevnog reda 33. sjednice Gradskog vijeća.

Prijedlog Odluke o davanju saglasnosti na Memorandum o saradnji Grada Sarajeva i Memorijalong kompleksa muzeja Auschwitz-Birkenau u Poljskoj, prema informaciji Gradonačelnice, **nije spreman** i neće biti uvršten u prijedlog dnevnog reda 33. sjednice Gradskog vijeća.

Informacija o saradnji i odnosima Grada Sarajeva sa nacionalnim manjinama, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 33. sjednice Gradskog vijeća.

Informacija o saradnji Grada Sarajeva sa zdravstvenim ustanovama i organizacijama, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 33. sjednice Gradskog vijeća.

Nacrt Budžeta Grada Sarajeva za 2024. godinu koji je, u Programu rada Gradskog vijeća Grada Sarajeva za 2023. godinu, planiran za razmatranje u mjesecu oktobru, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 33. sjednice Gradskog vijeća.

Nacrt Odluke o izvršavanju Budžeta Grada Sarajeva za 2024. godinu koji je, u Programu rada Gradskog vijeća Grada Sarajeva za 2023. godinu planiran za razmatranje u mjesecu oktobru,

prema informaciji Gradonačelnice, **je spreman** i očekuje se da će biti uvršten u prijedlog dnevnog reda 33. sjednice Gradskog vijeća.

Član Kolegija Vedad Deljković je najavio prijedloge Kluba Gradskih vijećnika „Deljković-Simonović-Čengić“ za razrješenje i izbor članova u radnim tijelima.

Na pitanje **člana Kolegija Seida Škaljića** da li će na 33. sjednicu Gradskog vijeća biti dostavljen Elaborat o isplativosti i organizaciji Projekta naučno-istraživačke infrastrukture „Tech4Green“, **Jasmin Ademović, predsjedavajući Gradskog vijeća** je rekao da će Elaborat biti dostavljen na sjednicu.

Jasmin Ademović, predsjedavajući Gradskog vijeća je, za 33. sjednici Gradskog vijeća, najavio razmatranje Informacije o realizaciji Zaključka koji je donesen na 32. sjednici Gradskog vijeća održanoj dana 25.10.2023. godine, u povodu razmatranja Informacije o realizaciji Odluke o pristupanju projektu osnivanja naučno – istraživačke infrastrukture „Tech4Green“.

c. Novi prijedlozi

Jasmin Ademović, predsjedavajući Gradskog vijeća je podsjetio članove Kolegija da je na 32. sjednici Gradskog vijeća podnio inicijativu da se Multimedijalna instalacija pod radnim nazivom „Sarajevo Olympic Journey“, koja je dio Programa obilježavanja ZOI 84, proglasi spomenikom od značaja za Grad Sarajevo.

Također je podsjetio da je uz inicijativu dostavio idejno rješenje i lokaciju za postavljanje ove umjetničke instalacije te da očekuje da će Gradonačelnica ovu inicijativu obraditi i uputiti Komisiji za spomenike Gradskog vijeća kako bi Komisija, na vrijeme, utvrdila Nacrt Odluke o spomeniku od značaja za Grada Sarajevo i uputila ga Gradskom vijeću na razmatranje sa prijedlogom zaključka da se Nacrt Odluke uputi u javnu raspravu u trajanju od sedam do 10 dana kako bi se Odluka, u formi prijedloga, mogla uputiti na razmatranje na 34. (decembarsku) sjednicu Gradskog vijeća.

Zatim je Aida Bajramović, sekretarka organa uprave, upozнала članove Kolegija da će Gradonačelnica za 33. sjednicu Gradskog vijeća predložiti i sljedeće materijale:

- Prijedlog Odluke o načinu provođenja javnog interesa Grada Sarajeva u sportu
- Prijedlog Odluke o davanju saglasnosti gradonačelnici Grada Sarajeva za potpisivanje Sporazuma o sufinansiranju projekta izgradnje dječijeg igrališta u ulici Antuna Branka Šimića, općina Novi Grad Sarajevo
- Informacija o pomoći drugim jedinicama lokalne samouprave u Bosni i Hercegovini
- Nacrt Odluke o podizanju spomen-ploče mladim doktoricama poginulim u nesreći na Marijin Dvoru
- Prijedlog Odluke o davanju saglasnosti na Ugovor o poklonu 37 uramljenih fotografija
- Prijedlog Odluke o stavljanju van snage Odluke o pokretanju postupka prodaje transportnih kutija/sanduka u vlasništvu Grada Sarajeva putem javnog nadmetanja – licitacije

U raspravi koja je uslijedila u vezi tema predloženih od strane Gradonačelnice učestvovao je **član Kolegija Seid Škaljić**, a pojašnjenja je dala **Aida Bajramović, sekretarka organa uprave**.

Ad 2)
Tekuća pitanja

Jasmin Ademović, predsjedavajući Gradskog vijeća je upoznao članove Kolegija da je Sanela Nuhanović, članica Odbora za društvene djelatnosti, Gradskom vijeću dostavila ostavku na članstvo u navedenom Odboru.

Podsjetio je da je potrebno da Klub gradskih vijećnika Naše stranke, koji je predložio Sanelu Nuhanović za članicu Odbora za društvene djelatnosti, u skladu sa Poslovníkom Gradskog vijeća Grada Sarajeva, dostavi prijedlog za njeno razrješenje kao i prijedlog za izbor novog člana u ovo radno tijelo, a koji će razmatrati Komisija za izbor i imenovanja, kao ovlašteni predlagač.

Jasmin Ademović, predsjedavajući Gradskog vijeća je podsjetio članove Kolegija da je uz poziv za sjednicu Kolegija dostavljen dopis Skupštine Kantona Sarajevo kojim se traži dostava prijedloga tema koje bi se uvrstile u Program rada Skupštine Kantona Sarajevo za 2024. godinu.

S tim u vezi, pozvao je klubove gradskih vijećnika da, eventualne, prijedloge tema dostave Gradonačelnici ili Predsjedavajućem Gradskog vijeća, a imajući u vidu rok za predlaganje tema naveden u dopisu.

Član Kolegija Toni Vukadin je pristupio sjednici u 14.22. sati.

Jasmin Ademović, predsjedavajući Gradskog vijeća je upoznao članove Kolegija da će u četvrtak 02.11.2023. godine u 11.00 sati biti održana sjednica Odbora za organizaciju obilježavanja 40. godišnjice Zimskih olimpijskih igara održanih 1984. godine u Sarajevu, te je pozvao članove Kolegija da, ukoliko to žele, sjednici prisustvuju.

Također je upoznao članove Kolegija da će Grad Sarajevo raspisati javni poziv za sufinansiranje kulturno-umjetničkih i drugih manifestacija, u povodu obilježavanja 40. godišnjice Zimskih olimpijskih igara.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.25 sati.

SEKRETAR GRADSKOG VIJEĆA

Mila Eminović

PREDSJEDAVAJUĆI GRADSKOG VIJEĆA

Jasmin Ademović